

BELATUK AWAN
Buff-rumped Woodpecker

FAMILI: Picidae
NAMA SAINTIFIK: *Meiglyptes tristis*

CIRI-CIRI

Individu jantan dewasa bagi sub-spesies *M.t. grammithorax*, ianya bersaiz kecil dengan ekor yang agak pendek dan jalur-jalur lusuh di bahagian badan yang berwarna kehitaman. Diperhatikan bahagian bawah belakang badan dan tongkeng berwarna kuning pucat-putih dan warna sekeliling mata adalah kuning pucat. Bagi burung betina, jalur merah yang mengunjur dari bawah paruh hingga bahagian tepi tekak agak tidak kelihatan. Bagi burung juvenil, hampir keseluruhan badan agak gelap dengan jalur-jalur pudar di bahagian badan agak rapat. Anggaran saiz bagi burung dewasa adalah 17 sm.

MAKANAN

Makanan utama spesies ini terdiri daripada serangga pada celah-celah pokok.

HABITAT

Spesies ini boleh dijumpai di hutan dipterokap, pinggir hutan, hutan sekunder dan kadang kala kawasan perladangan. Spesies ini boleh dijumpai sehingga ketinggian 760 m dari aras laut.

BUNYI

Burung ini mengeluarkan bunyi kawalan yang pantas *ki-i-i-i-i* dan bunyi *pit* yang tajam (kadang kala berulang) serta *pee* yang panjang.

PEMBIAKAN

Musim pembiakan bagi spesies ini adalah dari bulan Mac hingga bulan April pada sepanjang tahun. Sarang adalah pada lubang di bahagian pokok dan ketinggian sarang adalah dari 1.5-15 m dari aras tanah. Burung betina boleh menghasilkan 2 biji telur pada setiap kali ianya bertelur dan telur adalah berwarna putih.

STATUS

Akta 76/72, dipelihara sepenuhnya.